

中衛縣志

元

地1519.43  
36  
部二:1-16





續修中衛縣志序



邑之有志。猶國之有史也。國無史。則孰知興衰理亂之由。邑無志。則孰知因革損益之事。願今之為志者。大率抄撮成篇。沿襲為事。

序

欲以信今而傳後也。難矣。中衛邑宰鄭君考堂。予老友也。道光辛丑春。因公來省。携所葺邑志。就正於予。云中衛向無志。乘自前宰黃恩錫創為此書。迄今八



十餘年未嘗修葺志且漸就湮沒元吉公餘之暇取舊志網羅散失始於庚子仲夏成於辛丑仲春乞予一言弁首予披覽往復詳畧得宜信乎師武功志之

序

二

遺意而非徒襲其緒餘者也吁中衛山水甲雍州稻隴桑田沃埜千里予三宦邊陲未曾一至其地今觀考堂所編地理一志某山某水引据甚悉不啻置身



於鳴沙流泉間矣。遂走筆  
而為之序。

道光二十一年辛丑歲孟  
夏月甘藩使者玉樵程德  
潤撰并書

序



續修中衛縣志序

自龍門創為紀傳書表世家。孟堅特  
易書為志。歷代並師其意。故有一統  
志。有通志。有郡志。有邑志。郡邑以脩  
通志。一統之採擇。方輿紀載。彬彬大  
脩。操觚之家。蒼萃成書。獨中衛缺如。  
乾隆辛己歲。黃素菴舊令蒞邑。時有  
稽索。叅以據依。三月志書成帙。今八  
亭

十餘年。因革損益。書缺有間。吉甚快  
焉。於是商共寅僚。議集紳耆。下及里  
長。黨正皆充採訪。自春徂夏。各舉見  
聞。以陳鄉里山川古蹟。悉因仍於舊  
志。倉儲學校之紛更。郵驛橋梁之增  
減。明神先哲之壇廟墳塋。戶口錢糧  
之盈虛徵歛。公卿大夫忠孝節義之  
尊美薦舉科名。營任戰守之盛大。天



人休咎之徵。山林遺軼之事。補遺正  
譌。每篇目輒條其顛末。博觀而約取  
之。初稿定。復寓書蘭垣。延余君子佩  
州倅至署。公暇往復商榷。子佩於是  
按篇目而加以辨核。故地理有稽。建  
置有準。田賦有憑。官師有定。人物有  
詳。獻徵有據。雜記有條。各得其體要。  
以脩採擇。

序

二

道光二十一年歲在辛丑季春之月  
下浣

勅授文林郎中衛縣知縣鄭元吉撰



原序

自扶風、易、龍門八書為十志。此志之所由始也。厥後郡縣莫不有志。所以備輜軒之採擇。貢之上國。為史乘。資任綦重矣。非有作之於前。則後之踵而輯之者。苦於無因。或作矣而未備。非有推而廣之。使別類分門。犁然具

序

一

舉。又不足以稱完書。甚矣志之難也。中邑自五代迄宋。淪入西夏。荒滅不可考矣。元置應理州。明改寧夏中衛。

國

朝因之。至雍正三年。始為縣。向所傳應理一冊。粗具梗槩。前後數百年間。事多放失。觀風者不無遺憾焉。賤址黃君。以名進士。蒞



斯土。歲且四稔。政和人洽。百廢皆興。平時目之所歷。耳之所聞。故老遺民之所傳述。與夫地形風俗。因革利病。下至一名一物。莫不瞭然於心。因慮文獻之無徵。網羅散佚。叅互考訂。廣舊抄為十卷。麟麟炳炳。卓然成一家之言。斯真可以信今而傳後矣。

序

二

余奉

命視學秦中。閱試寧郡。黃君攜志來

謁。且請為之序。余維古明盛之時。太和翔洽。凡在一鄉一里。沾厚澤而被深仁。咸駸上乎臻於上理。我

國家聿隆。至治涵濡。百餘年之久。

薄海內外。共享昇平之福。中是



聖化

經勝國兵燹之後沐浴  
既庶且富。敵崇禮教。人文蔚茂。  
燦然與三代同風。班固有言。國  
藉數世之基。家承百年之業。士  
食舊德之名氏。農服先疇之畎  
畝。商循族姓之所鬻。工用高曾  
之規矩。以是編徵之。豈不信哉。  
乾隆壬午初夏。陝甘督學使者

序

三

海昌鍾蘭枝撰



原序

中衛古邊邑也襟帶河山幅幘寥濶昔為用武之地五代而後多淪於西夏職方紀載皆無得而徵焉我

國家版圖式擴聲教覃敷百餘年來培養振作舉干戈戎馬之場已被以禮樂衣冠之盛矣而素菴黃君適調茲邑下車之初即期與民相休息

仰承

序

聖天子德意覃輸供億一絲一粟不遺累於閭閻葺學官修水利數年之間不遺餘力當

大功告成之後上下無事乃慨文獻之無稽期昭垂於勿替於是公務餘暇登眺山川諮詢原隰凡舊蹟所遺留暨目前所布置悉皆遐徵旁引酌善舉今起例發凡條分縷析閱數月之經營而後斐然卷帙洋洋乎有巨製之觀也書既成不憚數千里遠致於予予惟古者天子巡狩以觀



風太史陳詩以貢俗所以朝廷有史郡國有志  
志者志也一邦之人有事於此而悉志之一邑  
之宰有事於此而亦志之志之者所以昭是非  
之炯鑒助教化於無窮固無異於史也故必廣  
搜博採而後無遺跡必循名責實而後無訛傳  
必辭正義確而後無蔓語必類序倫分而後無  
亂章其載欲詳其書欲直其文欲簡否則蕪也  
畧也舛且支也此才華之士搦觚染翰千言可

序

二

以立待至進之以史則雖學綜二酉文富百城  
而於一字之下未嘗不含毫閤筆遜謝不遑者  
有由然也素菴以名孝廉來試南宮為予經房  
首薦與列魁選接待間見其肫摯安詳不徒以  
文章自炫者流即以實用期之今製錦邊疆果  
能加意民生振興儒術觀其所採輯者凡土疆  
之沿革河渠之灌洩驛路之通達風俗物產之  
繁昌以及科第官師材能節義靡不燦然臚列



色括無遺而且被之以絃歌暢之以吟咏彬彬  
焉郁郁焉渾忘其為風沙邊塞之區在古之循  
良未知何若然亦可謂不負所學盡心於司牧  
之職者矣將壽之金石不且與河山增色也哉  
猶憶予成童時自寧夏赴平涼路出中衛道上  
長河廣漠積莽孤煙助旅况之蕭條者未嘗不  
心焉感之乃廿年之後轉移荒僻之地漸為文  
物之邦以上副

序

三

國家鼓舞陶成之化者素菴得與其盛焉則覩斯  
編也益不能不流連三復云爾是為序

賜進士出身中憲大夫

日講官起居注翰林院侍

讀加二級遼陽圖銘布書



古者國有史郡邑有乘族有譜家有訓人有傳皆所以志也經無史志名然尚書春秋經而史史而經矣周漢以遷固等之兩漢書星歷以至河渠條分而次之後世取法焉而猶不能無遺議此史志之難也中邑為前代應理州地被服文教歷有年所及我

朝

改寧夏衛為府中邑為屬縣

朝

幅員數百里漸仁厚義風俗駸駸日上彬彬雅雅科第人文相繼而起而志乘猶缺焉未講其附見於朔方志者不過數條且係前明故簡與時事大相逕庭黃公素菴來令茲邑獨慨然深念之碩以朝廷方有事準夷軍書旁午未



暇及也。歲丁卯，準夷蕩平，並  
勃律、堅昆諸部亦相率內屬。  
拓地萬餘里，事大竣。庚辰夏，  
前大方伯、蔣公巡視銀夏，亦  
以縣志未成，屬公公乃以數  
年來旁搜博採，遐稽遠覽者，  
加以參究，務得精實。準今酌  
古，選義考詞，自秋徂春，手自  
編纂，裒然成書。犁然有當於

序

二

人心嗚乎，可謂勤矣。非講明  
而切究之，已久能若是乎？公  
之言曰：彰往可以察來，信今  
斯能傳後。士人甫離鉛槧，膺  
民社，寄入境而心茫然。山川  
何似？人民何似？習俗何似？  
賦若何？戎政若何？天文地理  
何屬？曩哲之遺徽，何若？問胥  
吏則莫對，詢士民則未遑求。



上

一展卷而了然於目了然於心  
了然於口舍志其奚恃乎  
後有作者踵是而增美焉其  
易為力也抑且宣  
德意以與民沐浴膏澤而歌  
咏勤苦者有司之事也紀休  
烈揚善行俾慕義而思就者  
導民之善術也若謂作志書  
必良史才兼三長始操筆焉

序

三

則邊地之山川風物亦終草  
莽委之矣余曰善遂書以為

序時

乾隆二十六年歲在辛巳夏

五之吉

進士出身

賜同  
誥授

奉政大夫署甘肅寧夏府理

事同知候補同知前左春坊

左庶子仍兼吏部考功司掌



印郎中  
考功司  
郎中  
負外郎  
主事  
翰林院  
庶吉士  
長白國  
棟隆甫氏撰

序

四



原序

粵稽往古山川王田載諸禹貢  
陳詩觀風職在太史此殆國史  
之所自起而郡邑列乘所由昉  
乎蓋史為天下之志而郡邑先  
之故其事宜詳而有體然而求  
具史之才兼史之法以勝其任  
則志良難矣夫史多撮記其要

序

志則必詳綜其實且事在傳信  
非可以意為之故必有所可因  
斯足以証其可據若今之志應  
理則尤難矣舊抄半冊本之朔  
方新志所載者僅城堡貢表官  
師學校數條其他山川祭祀建  
置沿革渠道土田闕畧無徵又  
廣武前隸乎寧郡香山為慶藩



牧場今皆宜彙入之是不得不  
創為編輯矣予承乏茲邑忽踰  
四載每登覽山川遍歷各堡慨  
在昔戎馬之郊屢經兵火地震  
之變漢唐迄元响卷應理鳴沙  
雖相傳已州縣其地而官斯土  
者何人治斯土者何事產斯土  
而著名者何人皆湮沒無可見  
序

二

之跡杳茫無可証之書夫亦以  
志之不作也今庚辰仲夏陽湖  
蔣大方伯巡視河防往來中邑  
索邑志不獲乃責余曰子以科  
第儒生久宰邊邑於其山川古  
蹟民生吏治獨不為加稽考著  
述乎雖遜謝不敏而責無可貸  
無以邑之紳士聞此言而交相



屬焉此尚可以寓之他日哉因  
妄不自揣於是秋七月操筆至  
十月而脫稿其間言期有用事  
求可徵雖成之似無多日月而  
原之以四年來之心眼所歷精  
神所到彈志竭慮搜考編排亦  
幾經營之慘淡矣第事事詳核  
固不敢以易心處之所憾自元

序

三

宋以前地淪西夏之後一切皆  
沒於兵火遂多闕文焉至有明  
以來凡興廢之由教化之原閭  
閻疾苦之故則採訪而備論之  
訂為總志十卷分目三十有六  
撰次搜討咸出余一人參校訪  
錄則邑之耆彥夙厥事焉予自  
成童進學弱冠教書為諸生者



一十一載亦嘗肆力於經史雖  
幸獲一第濫膺民社不能進躋  
詞垣秉史筆今於一邑之志上  
下數百年間察濶數百里之地  
考輯編纂俾山川草木雲物魚  
鳥之蕃皆得所發揚而典祀邊  
防農田水利以及人心風俗之  
微皆得以講求而叅互攷訂焉

序

四

上以表章夫

國家百十餘年教養之休下闡揚  
乎忠孝節義之行以風勵於當  
世竊妄附諸陳詩觀風之末俾  
將來國史郡乘資採擇焉抑亦  
生平所學者一時之遭也庚辰  
仲冬朔六日書於香山行館


賜同

進士出身甘肅寧夏府中衛縣



知縣軍功加二級又加一級隨  
帶紀錄三次滇賧北黃恩錫謹  
序

序



五



修志姓氏

康熙辛卯

寧夏西路中衛儒學教授涇陽劉追儉起草  
乾隆庚辰

寧夏府中衛縣知縣軍功加二級滇睽北黃恩錫纂修  
寧夏府中衛縣儒學教諭頻陽張若敏 丙辰

中衛縣典史李延鳳 鎮江人

分駐渠寧巡檢司舒采願 南昌人

忝校採訪

中衛縣志

修志姓氏

截取知縣壬子科舉人楊士美 蓮塘邑人 永康人

原任浙江漕運千總庚子武科舉人蔣前烈 有光縣人 治人

壬甲科進士截取知縣羅金詩 石空人

貢生魏殿元 廣武人

魏修德 有隣縣人 治人

汪兆鰲 縣人 治人

柳峻 鳴沙州人

范灝 書田人

校對繕寫

生員

任景昉 縣人 治人



魏諫唐縣治人

尹光宗縣治人

查卷首刻書吏劉福祉

陳獻瑞

光緒九年夏四月金城玉堂氏閱識

中衛縣志

修志姓氏



續修志姓氏

中衛

縣

知

縣鄭元吉

江西人附監

協修

前署中衛縣教諭候選訓導褚裕智

西寧人拔貢

中衛

縣

教

諭李賡廷

西安人廩貢

中衛

縣

渠寧

巡

檢俞仁育

順天人供事

中衛

縣

典

史沈

烜順天人供事

編輯

前借補河州太子寺州判直隸州州判余懋官

江西人副榜

中衛縣志

卷

續修志姓氏

三

採訪

揀選知縣壬辰科舉人蓋奇文

巳卯

科

舉

人光有耀

戊寅

科

武

舉呂元龍

乙酉

拔

貢

生陳玉祝

恩

貢

生張炳南

廩貢

生

候

選

訓

導侯得民

廩貢

生

候

選

訓

導杜若煜

縣

學

廩

生張

楷



縣 學 廩 生梁生華

校對

縣 學 廩 生鮑成龍

縣 學 廩 生張允諧

府 學 廩 生呂開陽

縣 學 廩 生呂超羣

縣 學 廩 生張從龍

縣 學 廩 生張東銘

縣 學 增 生雍光祖

中衛縣志 卷 續修姓氏 四

縣 學 增 生魏紹鼎

縣 學 增 生章雲漢

縣 學 增 生房書聲

繕寫

縣 學 增 生雍光祖

戶 房 書 吏門秉仁

查卷督刻書吏馬萬齡

王勳臣

李鍾岱



應理志草總目

凡例 圖考

地理考卷之一

星野 沿革 疆域附形勝 山川 水利

古蹟 風俗

建置考卷之二

城池 堡寨附各灘湖山莊 公署附養濟院公館 倉庫

學校 祠祀附寺廟

貢賦考卷之三

中衛縣志 總目

額徵 戶口附恤蠲 稅課附市集 物產

鹽法附茶法

邊防考卷之四

塞垣 營制 邊界 驛遞 關梁

官師考卷之五

官制 職官 名宦附俸薪養廉

獻徵表卷之六

人物 忠節 孝義 節女 流寓

選舉表卷之七



科甲 鄉貢 武階誥贈仕宦鄉飲者年附

雜記卷之八

各景考 祥異 軼事

藝文編卷之九

上諭 議 論 書 記 序

藝文編卷之十

傳 賦 銘 詩

中衛縣志 總目 二



凡例

一應理舊有志草一冊第抄據朔方志所分載而增其粗畧殘缺殊多夫志為實錄郡邑之志法宜該詳凡沿革風俗山川形勢水利農田邊隘關梁自乾隆二十六年前知縣黃恩錫廣搜詳核纂輯成篇雖歷代事蹟遺亡無考不能無所挂漏而中邑有志實自黃始故不能不踵事修飾以繼前賢

一星野建置疆域以及山川村堡悉仍舊志惟額徵戶口稅課職官人物忠孝節義重加編輯查戶口倍繁於昔

中衛縣志

凡例

而土田間多崩塌稅課額徵亦屢邀豁免其職官人物忠孝節義諭地方紳士備為訪察實有德可錄有善足紀者另為之傳庶不致湮沒無傳雖其意在善善欲長亦不敢溢及無實

一中邑鄉獻宋元以前無可考惟自前明及

國朝有可考據然猶恐採訪者之猶有缺畧也

一中邑昔為戎馬之郊至我

朝百十餘年安養恬熙已成樂土而邊墻六十里外即為蒙古駐牧之所其河之東西歷香山沙泉一帶地方遼濶



戰爭所在往迹闕不可考今惟即口隘營汛兵制邊界  
詳核而載之使留心邊備者可按冊而稽云

一文廟為教化之藪而功德在民者報享亦無可疏其壇  
壝典祀外舊有遺愛祠祀亦并存之至學宮祭樂器及  
陳設品物儀舞次序備加考校繪圖以俟典祀者之有  
所徵據而愈求其明備焉此外寺觀之修其來已久者  
亦為附載而間附論說以資考辨

一藝文山川景物文人歌咏雖無關於著作而風土之所  
在里俗之所傳亦有足資採覽者大抵中土之藝文苦

●新縣志

凡例

二

其多邊地之藝文苦其少故不無收錄從寬者此後文  
收愈隆作者踵起亦可資裁訂焉

一廣武舊隸寧郡今設縣後已入中邑版圖所有田土貢  
賦差役戶口山川藝文俱因廣武志彙載之惟職官武  
秩舊志從畧今則查明備載

一坊表中邑自明以來兵燹地震之後已無存者至節孝  
之家有曾旌表建坊或未經旌表不無節行可風者故  
不復備錄

一陵墓中邑宋代淪入西夏遼唐亦無可考自明迄今佳




宦忠節雖不乏人而特予祭墓者殊鮮傳聞即道碑墓誌莫資徵信故亦闕而不錄其間有聞見者另為附載一志自乾隆二十六年鐫版後迄今八十餘年未加修葺元吉以吏事餘力行館署燈集諸紳士所採訪者核舊志而損益之復與友人商權可否越三月而稿成惟邊地典籍毫無考據不揣固陋隨意纂修以俟博雅之討論裁正焉



# 縣城全圖

中衛縣志


城圖





中衛縣志

城圖





# 縣境輿圖

中衛縣志

地輿圖

阜蘭縣界






利

水

中衛縣志

輿圖

水利圖





中衛縣志

水利圖

圖

山河即清水  
河源出回原

